



Malikhautikhangit nunaqangitunik Nunavunmi uuktugumayut talvani Nunavunmi iniqtiqtukharnik Maniliurutikharnik Hulilukaaktukharnik

Naunaiyaiyaangat aulahimaaqtunik inuuhirikharnik Nunavunmiunun, tingmiyukhat nunaptingnun Nunavunmiutaungitun inungnik atuqtaulimaituq hadja. Talvanga ublumimun, nunaqangitun uuktugiaqaqtun talvunga Atanilluaq Nunalaani Aanniaqtailinikkut Havaktimin (CPHO) uuktugiaqaqtunik aqiuqtugianganiq pigiaqaqtun tuniyaangat naunaitumik auladjutikharnik ikayuutigikharnik tukhidjutikhanginik.

Una hanaqidjutikharnik ilauhimayuq ikayuutikharnik Nunavunmiutaungitunik inungnun iniqtigiyaangat maniliurutikharnik hulilukaarutikharnik, taimaitumik uyaraqhaliqiyaangat uyaraqhiurnikkut, ilihairutikharnik ihivriudjutikharnik, iglurpangmik iglunikluuniit ihuaqhaidjutikharnik, allatqiinguyunik.

Tamna CPHO aulahimaarniaqtun atuqtakharnik manikharnik talvanga hamilaatkut (ngitni) piyaangat nunaqangitun Nunavunmi nunalitaangat kitumunliqaak Nunavunmi hamilaatkunun, nunalaanun, inuugaitilaanganunluuniit nayugainun.

Tukhidjutikhangit nunalitaangat Nunavunmun nunalihimaitumik kituliqaak hamilaangit inuugaitilaaqaqtunikluuniit nayugainun (uuktuutigulu nanmnikkut chartikkut iniqtigiyaangat uyaraqhiuqtunik qiniqhiyaangat hulilukaaktunik), tamna CPHOngit ihumaliurutikharnik tuniluaqtangit talvuuna nunaqagiqangitunik. Uuktuqhimaqaqtunik upalungaikhimayukhat tautuktitiyaangat naunairutikharnik maniliuqhimayainik talvanga nunaqaqtunin (Kuini - Nunaqaqqaqhimayunun Tunnganirmi Havakviangitni Kanatami, talvaniluuniit nallaumayunik avikturvingmi Inuit katimayiingitni) talvuuna ihivriudjutitigun auladjutitigun.

Nunaqangitunun nigiuqtun nunalitaangat Nunavunmun tuyugiaqaqtunik tukhidjutiikhangit talvunga CPHOngitnun havakvianun uvani: cphotravelrequests@gov.nu.ca ihumaliurutikharnik.

Tukhidjutikhangit tingmiyaangat ihivriudjutikharnik talvanga CPHOngit havakvianganin malrungnik auladjutitigun:

1. Nunaqangitunun tukhiqtunik auladjutikharnik nunamiitumayununluuniit kitumiliqaak hamilaatmi, nunalaani, inuugaitilaaqaqtunik nayugaini
2. Nunaqangitun tukhiligumik nunalitumayut nunamun inuugaitilaaqaluangitun nayugainik Nunavunmi talvuuna nanminiaqaqtunik ingilradjutitigun

Nunaqangitun tingmiyunik piqaqtukhaq tunilutik ilauyumayut tukhidjutikharnik talvuuna ihumaliurutitigun qanuriliurutikharnik tingmiyukharnik upalungairutingniitunik.





Tukhidjutikhaq nunalitaangat hamilaatmun inuugailuangitunun nayugaanun:

Nunaqangitun tukhiqtun aulayumayut ilauyumayutluuniit kitumi hamilaatkuni, nunalaani, inugaitilaangitluuniit nayugaini avaliingarniq atuqtukhat 14nik ublurnik talvani GNkutni aulatitiyunik hivuraani avaliingarnikkut atuqtakharnik nayugaani tingmitinanik Nunavunmun. Uuktuqtut tuniyakhait:

- Atingit tamaita tingmiyukhat tukhiqhimaagtun uuktugiaqaqtunik.
- Tukhiqtun ublungit tingmivikhanginik.
- Naitumik titiraqhimayuq ihumaliuqhimayainik tingmiyaangat.
- Naunaitkutikhaq angirutikharnik talvanga hamilaatkuni nunalaaminluuniit.

Tukhidjutikhaq nunalitaangat inuugailuangitunun nayugaanun:

Nunaqangitunik tukhiqtunik nunalitaangat nunalaamun inuugailuangitununluuniit nayugainun Nunavunmi talvuuna nanminiaqatunik ingilradjutikharnik katimaqatigihimaitumik Nunavunmiutat nunaligiaqaqtun Nunavunmun atuqhimaitumik tamna 14nik ublunik avaliingarnikkut atuqtauyukharnik talvani hivuraani nayurviangani. Havaktitiuk tuyugiaqaqtun tukhidjutikharnik talvanga qaffiunik havaktinin, kihiani atingit tamaita havaktit naunaitumik ilauyukhat talvani tukhidjutikharni. Uuktuqtut tuniyakhait:

- Atingit tamaita tingmiyukhat tukhiqhimaagtun uuktugiaqaqtunik.
- Tukhiqtun ublungit tingmivikhanginik.
- Naitumik titiraqhimayuq ihumaliuqhimayainik tingmiyaangat.
- Naunaitkutikharnik angirutikharnik hulilukaaktukharnik talvuuna nunaqaqtunik.
- Avatqutigiyainik manikhangit upalungairutikharnik qanuq naunairutiqarniaqtuq qanuq uuktuqtuq atulimaitun uqarvigikharnik haamilatkunin inugaingitluuniit nayugaini talvuuna hulilukaaktunik aanniaqtailinikkut qayangnairutikharnik amigaqhuutikharnik.

Maligakhat paqitaunginariaqaqtun uvani:

<https://www.gov.nu.ca/in/munarhiliqiyikkut/information/nunavutip-apqutikhaa>.

Hapkununga nutaanun COVID-19 Qalagjuarnirmin kangiqhidjutit ukualu GN-kut Havagviit nutaat tamaini uqauhirni:

<https://www.gov.nu.ca/health> ; <https://www.gov.nu.ca>

